

OPŠTI USLOVI ZA UČEŠĆE NA TENDERU

Pravo učešća na tenderima koji raspisuje Sberbank BH d.d. Sarajevo (u daljem tekstu: Banka) imaju samo pravna lica koja prihvataju dole navedene uslove i pravila (u daljem tekstu "natjecatelj" ili "natjecatelj").

- Svi podaci i informacije sadržane u dokumentaciji dostavljenoj za potrebe tendera raspisanog od strane Banke, ponudama i drugoj relevantnoj dokumentaciji dostavljenoj Banci za potrebe tendera od strane natjecatelja i sve informacije koje natjecatelj pribavi tokom i u vezi sa ovim tenderom moraju biti tretirane kao poslovna tajna, strogo povjerljive informacije koje ne smiju biti korištene od strane natjecatelja za bilo koju drugu namjenu osim za potrebe tendera. Natjecatelj nije ovlašten da te podatke, informacije, ponude i drugu dokumentaciju distribuira ili odaje trećim stranama ili da daje javne izjave ili da ih na bilo koji drugi način objavi, umnožava, kopira ili ustupi trećim stranama bez prethodne pisane saglasnosti Banke.
- Banka zadržava pravo da sve povjerljive informacije i lične podatke koje sazna tokom i u vezi sa ovim tenderom procesira i distribuira unutar Sberbank grupacije za potrebe bankarskog poslovanja i da ih može proslijediti i otkriti domaćim i stranim članicama Sberbank grupacije za korištenje unutar grupacije.
- Banka zadržava pravo da se samostalno raspituje o referencama natjecatelja.
- Banka zadržava pravo da bez ograničenja, u bilo kojem trenutku i bez obaveze da obrazlaže svoje odluke:
 - mijenja uslove i opseg tendera,
 - odbije jednu, više ili sve ponude i/ili natjecatelje,
 - obustavi ili otkáže tender,
 - uvede dodatne krugove tendera,
 - bira natjecatelje koje poziva u naredne krugove tendera,
 - traži dodatne informacije od odabranih natjecatelja,
 - bira s kojim natjecateljem i da li će uopšte pregovarati o predmetu tendera i mogućoj saradnji,
 - konačnu cijenu postiže putem aukcije,
 - bira pobjednika ili pobjednike tendera.
- Banka zadržava pravo da ne zaključi ugovor čak ni sa izabranim pobjednicima tendera ili da zaključi ugovore sa više učesnika tendera i/ili da zaključi ugovor za samo dio ponuđenih usluga/roba.
- Banka ne prihvata bilo kakve obaveze prema natjecateljima po osnovu njihovog učešća u tenderu, do eventualnog potpisivanja ugovora.
- Banka neće natjecateljima isplaćivati naknadu za troškove koje mogu imati tokom tendera (osim ako je drugačije navedeno u uslovima tendera).
- Banka neće natjecateljima vraćati dostavljene ponude, dokumentaciju, uzorke, kataloge i slično.
- Natjecatelji nemaju pravo žalbe/tužbe protiv Banke po osnovu promjene ili otkazivanja tendera, izbora ili odbijanja bilo kojeg natjecatelja, prihvatanja ili neprihvatanja bilo koje ponude, a posebno nemaju pravo žalbe/tužbe bilo koje vrste u vezi zaključivanja ugovora ili kompenzacije troškova ili uloženog vremena ili pretrpljene štete.

SBERBANK BH d.d.

Fra Anđela Zvizdovića 1, 71 000 Sarajevo, Bosna i Hercegovina
Tel.: +387 (0)33 95 47 00, Fax: +387 (0)33 26 38 32
info@sberbank.ba, www.sberbank.ba

- Upiti natjecatelja vezani za tender dostavljaju se isključivo na način propisan tenderskom dokumentacijom i drugačiji upiti nisu dozvoljeni. Natjecatelji ne smiju u vezi tendera kontaktirati Banku telefonom ili lično, sa izuzetkom kontakt osoba navedenih u tenderskoj dokumentaciji i ako se kontakt osobe obje strane dogovore drugačije. Sva postavljena pitanja i odgovori biće distribuirani svim natjecateljima.
- Za sve sporove vezane za tender nadležan je sud u Sarajevu (osim ako je drugačije navedeno u uslovima tendera).

Pristupanjem tenderu i/ili preuzimanjem tenderske dokumentacije natjecatelj prihvata sve gore navedene uslove bez izuzetka.

U slučaju da ste do tenderske dokumentacije došli bez namjere da učestvujete u tenderu koji je raspisala Banka ili ste tendersku dokumentaciju dobili uz poziv za učešće na tenderu a ne prihvatate gore navedene uslove, molimo vas tendersku dokumentaciju obrišete ili uništite.